



Broj: 04-40-1-101/20  
Sarajevo, 11.04.2020. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

**REDOVNI IZVJEŠTAJ**  
**za period od 08:30 sati 10.04.2020. do 08:30 sati 11.04.2020. godine**

U skladu sa ovlaštenjima koje ima prema Zakonu o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10), kao i drugim podzakonskim propisima iz oblasti zaštite i spašavanja, te Odluci Vlade Kantona Sarajevo o proglašenju stanja prirodne i druge nesreće zbog opasnosti od širenja zarazne bolesti uzrokovane koronavirusom (COVID-19) na području Kantona Sarajevo, broj: 02-04-7986-1.1/20 od 18.03.2020. godine, Štab civilne zaštite Kantona Sarajevo (u daljnjem tekstu: Štab) je u toku jučerašnjeg dana nastavio sa aktivnostima na provođenju preventivnih mjera na smanjenju opasnosti od širenja zarazne bolesti uzrokovane koronavirusom (COVID-19) na području Kantona Sarajevo.

Prema izvještaju dobijenim od JU „Studentski centar“ Sarajevo u objektu Studentskog doma „Bjalave“, ukupno je smješteno je 120 osoba i to:

- 18 osoba iz Italije (koje su došle 27.03.2020. godine, a izolacija im ističe 24.04.2020. godine);



- 65 osoba iz Švedske (koje su došle 05.04.2020. godine, a izolacija im ističe 03.05.2020. godine);
- tri osobe iz Francuske (koje su došle 06.04.2020. godine, a izolacija im ističe 04.05.2020. godine);
- 21 osoba iz Velike Britanije (koje su došle 09.04.2020. godine, a izolacija im ističe 07.05.2020. godine);
- sedam osoba sa GP Izačić (koje su došle 09.04.2020. godine, a izolacija im ističe 07.05.2020. godine);
- jedna osoba iz Srbije (koje su došle 10.04.2020. godine, a izolacija im ističe 08.05.2020. godine);
- pet osoba koje su smještene u prinudnu izolaciju jer nisu poštovale rješenje nadležnog organa o kućnoj izolaciji.

Za sve navedene osobe osigurani su svi neophodni sanitarni, zdravstveni i drugi uslovi za boravak u prostorijama Studentskog doma „Bjelave“.

U toku jučerašnjeg dana oko 16:00 sati u Studentski dom „Bjelave“ su došli predstavnici Crvenog križa Brčko distrikta BiH sa naredbom Štaba zaštite i spašavanja Brčko distrikta BiH, kako bi iz Studentskog doma „Bjelave“ preuzeli građane sa prebivalištem u Brčko distriktu BiH. S obzirom da predstavnici Crvenog križa Brčko distrikta BiH nisu imali naredbu Federalnog ministarstva zdravstva za napuštanje ovih osoba iz karantina u Studentskom domu „Bjelave“, dežurni Ministarstva unutrašnjih poslova Kantona Sarajevo i zaštitari agencije SWOD su postupili po telefonskoj naredbi gos. Gorana Čerkeza i nisu dopustili da predmetne osobe napuste karantin u Studentskom domu „Bjelave“.

Služba za veterinarske poslove je u skladu sa Dinamičkim planom provođenja zdravstveno-sanitarnih mjera na području Kantona Sarajevo u toku jučerašnjeg dana bila angažovana na planskoj i sistemskoj dezinfekciji javnih objekata i površina na području Kantona Sarajevo, dok su uposlenici KJKP Rad u skladu sa Vanrednim operativnim planom pranja i dezinfekcije javno-prometnih površina bili angažovani na pranju i dezinfekciji ulica na području općina: Centar, Novo Sarajevo, Novi Grad, Vogošća i Ilijaš.

U skladu sa naredbom Štaba, volonteri općinskih organizacija Crvenog križa su u posljednja dva dana dostavili lijekove na adrese 15 osoba koje su starije od 65 godina i koje nemaju bližnjeg srodnika da se brinu o njima.

### **Općinski štab civilne zaštite Ilidža:**

Služba zaštite i spašavanja za čistoću i asanaciju terena je izvršila dezinfekciju javnih površina oko kompleksa „TIBRA“, naselje na Stupu. U saradnji sa Crvenim križom Ilidža podijeljeno je 20 paketa u Samačkom domu Hrasnica, socijalno ugroženim porodicama.



### **Općinski štab civilne zaštite Hadžići:**

Po nalogu Općinskog štaba civilne zaštite Služba za vodosnabdijevanje i asanaciju terena je bila angažovana na dezinfekciji ulica i na dostavi pitke vode sa cisternama u rezervoar u kampa Ušivak gdje su smješteni migranti, dok je Crveni križ vršio dostavu hrane i drugih potrepština osobama koje su u stanju socijalne potrebe.

### **Općinski štab civilne zaštite Vogošća:**

Pripadnici VD Vogošća i uposlenici KJKP Rad su radili na pranju i dezinfekciji ulica na području Općine Vogošća, dok su Služba za civilnu zaštitu, Služba za boračko-invalidsku, socijalnu zaštitu i raseljena lica Općine Vogošća i Općinska organizacija Crvenog križa Vogošća realizovali podjelu 80 paketa sa dezinfekcionim, higijenskim sredstvima i prehrambenim artiklima građanima koji su u stanju socijalne potrebe na području Općine Vogošća.

**Od ostalih općinskih štabova civilne zaštite s područja Kantona Sarajevo** putem njihovih operativnih centara civilne zaštite smo obavješteni, da kontinuirano rade na provođenju preventivnih mjera zaštite i spašavanja, na čišćenju i pranju ulica, trotoara i drugih javnih površina, kao i dezinfekcija javnih objekata, ulica, trotoara, javnih stepeništa, trgova, javnih parkinga i drugih prostora, kao i na nabavci neophodne zaštite opreme i sredstava, te dostavi paketa sa osnovnim životnim potrepštinama osobama koje su u stanju socijalne potrebe.

**Kantonalna uprava civilne zaštite Kantona Sarajevo:** Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su dvije veće intervencije i 14 intervencija manjeg inteziteta.

Veće intervencije su imali:

Dana, 10.04.2020. godine u 10:00 sati na lokalitetu Zenika, Općina Ilidža, gdje je gorjelo nisko rastinje. Požar je likvidiran u 23:44 sata. U gašenju požara učestvovalo je 13 vatrogasaca sa tri vatrogasna vozila.

Dana, 10.04.2020. godine u 12:30 sati na lokalitetu Butila, Općina Novi Grad, gdje je gorjelo nisko rastinje. Požar je likvidiran u 23:45 sata. U gašenju požara učestvovalo je 20 vatrogasaca sa pet vatrogasnih vozila.

**Elektrodistribucija Sarajevo:** Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

**KJKP Sarajevogas:** Svi potrošači u Kantonu Sarajevo su uredno snabdjeveni prirodnim gasom.

**KJKP Vodovod i kanalizacija:** Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

**Federalni hidrometeorološki zavod:** Jutros u 08:00 sati temperatura u Sarajevu na mjerne stanici Bjelave je iznosila 8°C, vlažnost zraka 61%, barometarski pritisak 949 hPa.



web: <https://kucz.ks.gov.ba>

e-mail: [oc@kucz.ks.gov.ba](mailto:oc@kucz.ks.gov.ba)

Tel: + 387 (0) 33 121, 556-670

Fax: + 387 (0) 33 556-671

Sarajevo, Reisa Džemaludina Čauševića 1

**BIHAMK:** Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d., JP Željeznice Federacije BiH**, gradski, međugradski i željeznički saobraćaj je obustavljen po naredbi Federalnog Štaba civilne zaštite.

PO OVLAŠTENJU DIREKTORA  
ŠEF CENTRA

**Fahrudin Pribišić**

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu i članovima Štaba CZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>  
e-mail: [oc@kucz.ks.gov.ba](mailto:oc@kucz.ks.gov.ba)  
Tel: + 387 (0) 33 121, 556-670  
Fax: + 387 (0) 33 556-671  
Sarajevo, Reisa Džemaludina Čauševića 1